



Radnici poručili
da više neće biti mirni
FOTO N. UGLJEŠA

Radnici "Granita" ponovo mirno protestovali pred Opštinskim sudom

Radnici na ulice, sudijama prijave

**Mjere:
Podnijeće
prijave VSTS-u
protiv
predsjednika
Opštinskog
suda Gorana
Salihovića,
stečajnog
sudije Hakije
Zajmovića i
sudije Subhije
Hodžić**

Maja RENER-SMAJLOVIĆ

SARAJEVO - Oko 150 radnika jablaničkog "Granita" protestovalo je juče pred Opštinskim sudom u Sarajevu, od kojeg su tražili da do uorka prekine stečaj firme.

Zahlijevali su i da Sud provede svoje rješenje o brisanju preduzeća iz sudskog registra u Sarajevu kako bi firma mogla biti ponovo registrovana u Mostaru i kako bi radnici počeli primati plate.

Nakon dvosatnog mirnog protesta razšli su se nezadovoljni jer su iz Suda rekli da ne mogu udovoljiti zahtjevima, zbog čega su radnici poručili da više neće biti mirni i poduzeće radikalnije mjere ali će, ipak, sačekati 23. avgust.

U Sindikatu su najavili da će Visokom sudskom i tužilačkom vijeću (VSTV) podnijeti prijave protiv predsjednika Opštinskog suda u Sarajevu Gorana Salihovića, stečajnog sudije

Izgubili oko 15 miliona KM

Za 18 mjeseci, koliko "Granit" ne radi, firma je bespotrebno izgubila deset do 15 miliona KM, rekao je juče Salih Klepo, v.d. direktor "Granita", koji se radnicima pridružio na protestu.

Dodao je da je ovaj novac bio dovoljan za izmirenje svih obaveza.

"Radnici žale da rade, u firmi je sve spremno, sirovine i tržište imamo, ali nam je stečaj nad glavom. Pokrenuli smo proizvodnju i pokazali da je firma 18 mjeseci bespotrebno stajala. Za nekoliko dana ljudi su zaradili jednu platu", kazao Klepo.

Protestu radnika prisustvovali su i čelnici Saveza samostalnih sindikata BiH.

Hakije Zajmovića i sudije koji je donio rješenje o brisanju "Granita" iz registra, a to je Subhija Hodžić.

"Rješenje o brisanju iz registra doneseno je u oktobru, a tek je prošli mjesec objavljeno u 'Službenim novinama'. Zahtijevamo da ono bude provedeno i da se predmet 'Granit' vrati u Sud u Mostaru kako bi se tamo ponovo registrovali. To bi značilo da nema stečaja, jer je stečaj pokrenut nad firmom registrovanom u Sarajevu, koja

više ne postoji", istakao je predsjednik Sindikata "Granita" Memud Čosić.

Radnici su juče naglasili da 18 mjeseci, od kada je pokrenut stečaj, nemaju nikakva primanja, da im duguju 13 plata odrađene, da deset godina nemaju uplaćene doprinose, zbog čega 30 kolega ne može u penziju i da im je strpljenje pri kraju.

Stečaj u "Granitu" zatražio je bivši direktor Muhamed Marić, koji je

prebacio sjedište firme iz Jablanice u Sarajevo. Marić je jedan od osumnjičenih u istrazi Tužilaštva BiH za organizovani kriminal, između ostalog i za lažni stečaj, a bio je na čelu orthačke grupe koja je privatizovala "Granit". Privatizacija je poništena, a mali diomičari "Granita", među kojima i radnici, održali su sjednicu Skupštine i izabrali v.d. direktora, te je 4. jula pokrenuta proizvodnja. Međutim, ništa ne mogu naplatiti, jer firma nema ra-

čun i pečat i neophodno ju je prvo registrovati u Mostaru.

Goran Salihović, predsjednik Opštinskog suda u Sarajevu, iz kojeg su osudili okupljanje radnika i pritiske na Sud, novinarima je rekao da zakon ne dozvoljava prekid stečaja, te da stečaj nema veze sa brisanjem firme iz registra, jer je otvoren nad imovinom.

"Kada je riječ o rješenju o brisanju, ono je objavljeno 27. jula i treba da prođe 60 dana prije pravosnažnosti, ali bi prethodno Sud u Mostaru trebalo da uputi zahtjev za prebacivanje spisa", dodao je Salihović.

Preko medija su iz Suda pozvali radnike da razgovaraju sa stečajnim upravnikom Abdulazizom Mahmudovićem, na šta su radnici ponovili raniji stav da nikada neće dozvoliti da stečajni upravnik uđe u firmu. Zbog pokušaja ulaska stečajnog upravnika u "Granit", radnici su se prošle godine sukobili s policijom.

Protest
pred
Općinskim
sudom u
Sarajevu

Radnici Granita optužili sudije za korupciju

- Okupljeni su prozivali sudije Subhiju Hodžić, Hakiju Zaimovića i Gorana Salihovića
- Insistiraju na registrovanju Granita na Sudu u Mostaru i prekidu stečaja

Uz povremene uzvike "Gorane, lopove", "I vi ćete u stečaj", "Vratite nam Granit"... jučer je 100-tinjak radnika jablaničkog Granita dva sata protestovalo ispred zgrade Općinskog suda u Sarajevu. Rezultat protesta je da se agonija Granita nastavlja.

Pranje novca

Zahtjevi su da Općinski sud u Sarajevu bez odgađanja provede rješenje od 15. oktobra 2010. o brisanju Granita iz registra suda, koje je u Službenim novinama FBiH objavljeno tek 27. jula ove godine, te da pod hitno prebaci kompletan registarski spis Općinskom sudu u Mostaru. Traže i da Sud u Sarajevu prekine stečajni postupak, te da taj prekid traje do okončanja krivičnog postupka protiv Muhameda Marića, bivšeg vlasnika Granita, i ostalih, koji se vodi pred Sudom i Tužilaštvom BiH. Rok za ispunjenje zahtjeva je 23. avgust ove godine. Tada će održati Skupštinu dioničara i odrediti daljnje djelovanje. Kažu da će biti znatno radikalniji.

- Čak 18 mjeseci pokušavamo dotjerati pravdu. Borimo se protiv stečaja, korupcije i pranja novca bivšeg menadžmenta, kazao je Vahid Šehić, predsjednik Štrajkačkog odbora Granita.

On tvrdi da je stečaj nad Granitom lažiran i narnješten. Kaže da je nedavno održana Skupština dioničara Granita izabrala novog v. d. direktora i NO i odlučila pokrenuti proizvodnju.



Rok za ispunjenje zahtjeva je 23. august

Foto: A. KAJMOVIĆ

- Radimo od početka jula sa smanjenim kapacitetom. Da možemo naplatiti poslove, mogli bismo radnicima isplatiti cijelu jednu mjesečnu platu, dodaje Šehić.

U Granitu je trenutno zaposleno više oko 280 radnika, 30-ak ih je ostvarilo pravo na penziju, ali zbog neuplaćenih doprinosa još je ne primaju.

Pustite nas da radimo

Derviš Japalac je VK klesar i 25 godina radi u Granitu, kako kaže na "izvoru kamena".

- Ovo će trajati dugo. Sirovine imamo dovoljno, znamo i želimo raditi, a tržište je zainteresovano. Samo neka nas puste raditi, kazao je Japalac.

Radnici optužuju Marića za kriminalne radnje. Kažu da je Hakiju Zaimoviću, stečajnom upravniku, "obložio cijelu kuću mermerom".

Jučer je radnicima podršku dao i Ismet Bajramović, predsjednik Saveza sindikata BiH.

- Treba konačno dati ljudima šansu da rade. Povlače se stečajevi firmama koje jedine

sada mogu profitabilno raditi. Neka Vlada FBiH preuzme Granit, formira nezavisnu mješovitu komisiju i napravi komplet reviziju u Granitu te na osnovu toga vidi treba li biti stečaja tamo, kaže Bajramović.

On u Granitu vidi primjer "sistemskog uvezivanja mafije, političkog lobija i, nažalost, sudstva".

- Čast mi je biti s ovim ljudima, a već imam određenih prijetnji i još ih očekujem, kazao je Bajramović.

Stečaj u Granitu proglašen je 27. januara 2010. u Općinskom

Mostar mora tražiti Granit

Predsjednik Općinskog suda Sarajevo Goran Salihović osudio je okupljanje građana pred Sudom te naglasio da se stečaj zakonski ne može prekinuti. Pojasnio je proceduru povratka spisa u Mostar i pozvao radnike da surađuju sa stečajnim upravnikom, koji mora ući u kompaniju.

- Predmet se ne ustupa mostarskom sudu, jer je u Službenom listu 27. jula objavljeno brisanje Granita iz našeg sudskog registra. Potrebno je da od tog dana prode rok od 60 dana i da mostarski sud nama uputi zahtjev za ustupanje predmeta. Ne možemo sud shvatiti kao pregovaračku stranu. Kakav god pritisak bilo, ne možemo podležiti i radićemo po zakonu, kazao je Salihović.

sudu u Sarajevu, jer je prethodno izvršena preregistracija firme u Sarajevo.

V. d. direktora Granita Salih Kapo najavljuje prijave VSTV-u BiH protiv "korumpiranih sudija Subhije Hodžić, Hakije Zaimovića, ali i predsjednika sarajevskog suda Gorana Salihovića".

Radnici su nakon dva sata protesta autobusima napustili Sarajevo. Mnogi su rekli da djecu ove godine neće slati u školu, jer nemaju od čega da im kuppe knjige.

M. ĐUROVIĆ RUKAVINA

Pred zgradom Općinskog suda u Sarajevu

Radnici Granita iskazali nezadovoljstvo

U januaru prošle godine proglašen stečajni postupak

Oko 150 radnika preduzeća Granit iz Jablanice jučer je pred zgradom Općinskog suda u Sarajevu održalo miran dvosatni protest kako bi iskazali nezadovoljstvo statusom ovog preduzeća. Kako nam je rekao predsjednik Sindikata Memsud Čosić, od kada je 27. januara prošle godine u ovom preduzeću proglašen stečajni postupak, rad-



(Foto: M. Gubić)

Pritisak na sudije

Povodom protesta jučer su se oglasili i iz Općinskog suda. U saopćenju osuđuju organiziranje i okupljanje građana pred zgradom Suda.

- Radi se o osobama koje već 18 mjeseci vrše pritisak na sud i sudije ovog suda te protuzakonito i silom sprečavaju provođenje zakona i pravosnažne sudske odluke kojom je otvoren stečajni postupak nad imovinom firme Granit u Jablanici - kaže se u saopćenju.

Radnici bez posla 18 mjeseci
nici žive na rubu egzistencije.
- Mi samo tražimo da Općinski sud provede svoje rješenje od 15. oktobra prošle godine o brisanju iz sudskog registra Granita Jablanica, koji je tamo nelegitimno prebacio bivši direktor Muhamed Marić. Dalje zahtijevamo da pod hitno bude prebačen kompletan

registarski spis Općinskom sudu Mostar, gdje Granit DD Jablanica može biti upisan u sudski registar - rekao je Čosić.

Prema njegovim riječima, drugi zahtjev je da Općinski sud u Sarajevu prekine stečajni postupak u ovom preduzeću, jer stečaj nikada nijeni pokrenut.

- Mi želimo da radimo, imamo 300.000 KM u robi koju ne možemo prodati zato što nemamo pečat firme. Nije ovo mala stvar, 580 radnika je u pitanju, ne tražimo da nam se odmah isplati 18 zaostalih plaća, samo hoćemo da radimo i da živimo od svog rada - kaže Čosić.

M. GUŠIĆ

